

Բենիկ Վարդապետ—«Հովիւ»-ի

Հ. Առաքելեան—«Մշակ»-ի

Յ. Յովհաննիսեան «Աղբիւր-Տարազ»-ի

Ա. Երիցեան

Տիկ. Հեղինէ Նաւասարդեան

Յ. Պետրոսեան—«Լուսաշ»-ի

Ե. Ֆրանգեան—«Հօրիզոն»-ի

Գ. Խաթակ—«Тифл. Листок»-ի


Левъ Умонскій—«Закавказье»-ի

Ս. Կանայեան—«Արմենիա»-ի

«Խաթաբալայ»-ի

Ստացուել են նա և բազմաթիւ շնորհաւորական հեռագիրներ, որոնց տեղի ողջութեան պատճառով դժուարացանք զետեղել այս համարի մէջ։

Ն. Հայրապետեան



ԵԿԵՂԵՑԱԿԱՆ ԺԽԱԿԱՆ ԴՊՐՈՑՆԵՐԻ ՀԱՄԱՐ

Ժ ա մ ա ն ա կ ա լ ո Ր Ի Բ Ե ա հ ա ն գ

Հայոց եկեղեցական-ժխական հանրակրթական դրպրոցների՝ համաձայն Պօլոթենիայի 1178 թ. յօդ եւ 1874 թ. հրատարակուած Բարձրագոյն հաստատուած, ինչպէս 1905 թ. Կովկասի Փոխարքայի հրատարակած ժամանակաւոր կանոնների։

Առաջիկայ ուսումնական տարուայ վերահաս սկզբնաւորութեան առթիւ, պարտք ենք համարում՝ ըստ Բարձր հրամանի Նորին Վեհափառութեան՝ յիշեցնել Ձեր Դերաշնորհութեանը մեր ժխական դպրոցների կառավարութեան համար ներկայումս գոյութիւն ունեցող պարտադիր օրինական և կանոնական կարգերը։

Անկատարութիւններն ու անկարգութիւնները, որ նկատելի են մեր եկեղեցական-ժխական դպրոցների գոր-

ծում, ծագում են ոչ թէ անհրաժեշտ պարտադիր կարգու կանոնի բացակայութիւնից, այլ այդ պատշաճաւոր օրէնքների թերի և անտիոյթ գործադրումից, երբեմն նոյն իսկ անուշադիր թողնուելուց:

Ուստի կը հրաւիրենք Ձեր Գերաշնորհութիւնը, որ ի պաշտօնէ ընդհանուր հսկողն ու պահանջողը պիտի լինիք թեմում ամենայն օրինաւորութեան և կարգապահութեան թէ առհասարակ և թէ առանձնապէս ծխական դպրոցաց վերաբերմամբ, որպէս զի ուշք դարձնէք անյապաղ ձեռք առնելու այն բոլոր միջոցները և կարգադրութիւնները, որոնք անհրաժեշտ են տիրող օրէնքների և կանոնների գծած պարտադիր շաւղի մէջ պահելու և վարելու թեմում դպրոցական պատասխանատու գործը՝ համեմատ Օրինաց Հաւաքածուի XI-րդ հատ. I մասի, 1178-րդ յօդուածի, 1874 ամի յուլիսի 19-ի Կայսերահաստատ կանոնների, 1905 ամի օգոստոսի 1-ի Բարձրագոյն հրովարտակի, Կովկասի Տէր Փոխարքայի հաստատած ժամանակաւոր կանոնների և Ամենայն Հայոց Վեհափառ կաթողիկոսների Հայրապետական նոյնիմաստ սրբատառ կոնդակների:

Հայոց հանրակրթական դպրոցներն եկեղեցիներին և վանքերին կից՝ գտնւում են ընդ վերին իշխանութեամբ Վեհափառ Կաթողիկոսի Ամենայն Հայոց և բացւում են յատուկ կոնդակով միջնորդութեամբ թեմակալ Առաջնորդի:

Իւրաքանչիւր բացուած դպրոցի մասին Առաջնորդը պարտ է անմիջապէս տեղեկացնել մարմնաւոր պատշաճաւոր իշխանութեանը: Իւրաքանչիւր ընթացիկ գործերի անմիջական կառավարութիւնը յանձնուած է ծխական հոգաբարձութեանը, տեսչին և կամ աւագ-ուսուցչին (սահաստատուում է թեմական իշխանութիւնից ծխական հոգաբարձութեան առաջարկութեամբ) և մանկավարժական խորհրդին, որը կազմւում է նոյն դպրոցի բոլոր ուսուցիչներից տեսչի և կամ աւագ-ուսուցչի նախագահութեամբ:

Ծխական հոգաբարձութիւնը ընտրուում է ծխական ժողովում և հաստատուում է թեմական Առաջնորդի գրութեամբ ըստ որոշման թեմական խորհրդի, որի նախագահն է Առաջնորդը: Ծխական հոգաբարձութեանը անդամակցում է երեսփոխը, իսկ դպրոցի վերաբերեալ նիստերին մասնակցում է դպրոցի տեսուչը և կամ աւագ-ուսուցիչը ձայնի իրաւունքով: (Տես Փոխարքայի ժամանակաւոր կանոններ, յօդ. 1, 2, 3):

Ծխական հոգաբարձութիւնը պարտաւոր է հոգալ դպրոցի տնտեսականը, պատրաստել դպրոցի անցած ուսումնական տարուայ տեղեկագիրը և տնտեսական հաշիւը, վաղօրօք մշակել դպրոցի յաջորդ ուսումնական տարուայ ել և մտից նախահաշիւը և ծխական ժողովի հաւանութեամբ ներկայացնել թեմական Իշխանութեանը ի հաստատութիւն:

Եթէ եկեղեցական և այլ եկամուտները բաւարարութիւն տալու չը լինեն դպրոցի բոլոր կարիքները հոգալու, հոգաբարձութիւնը առաջադրութիւն է անում ծխականներից որոշ տուրք նշանակելու վերաբերմամբ, այդ տուրքը կարող է լինել միանուագ, կամ մշտական, դրամով կամ իրերով: Այդ առաջադրութիւնը առաջարկուում է ծխականների ընդհանուր ժողովի քննութեան և նորակողմից ընդունուելուց և այդ մասին վճիռ կայացնելուց յետոյ դառնում պարտաւորական համաձայնութիւն յայտնողների համար (Կովկ. Փոխ. Ժամ. կանոն, յօդ. 5):

Ուսուցիչներին ընտրում է ծխական հոգաբարձութիւնը՝ տեսչի և կամ աւագ-ուսուցչի առաջարկութեամբ, և ծանուցանում է ի գիտութիւն թեմական Իշխանութեան:

Մանկավարժական խորհուրդը կարգադրում և տնօրինում է դպրոցի վիճակը ըստ ուսումնականի, և ուսումնական տարուայ վերջը կազմում է դպրոցի տարեկան ուսումնական տեղեկագիրը և ներկայացնում ծխական հոգաբարձութեանը և թեմական Իշխանութեանը:

Տեսուչը և կամ աւագ ուսուցիչը հսկում է դպրոցի կարգապահութեանը, ուսումնական ծրագրի և մանկավար-

ժական խորհրդի որոշումների անթերի գործադրութեանը թեմի բոլոր ծխական և վանական դպրոցների կանոնաւորութեան և բարգաւաճման վերայ հոգ է տանում և հովում է թեմական իշխանութիւնը թէ վարչական, թէ ուսումնական և թէ տնտեսական կողմից:

Առաջնորդը թեմի ծխական և վանական դպրոցների գործերը ղեկավարում է իբրև նախագահ թեմական խորհրդի, որի անդամները, թուով 4—6 հոգի, ընտրւում են թեմական պատգամաւորական ժողովի կողմից և հաստատւում են Վեհափառ Կաթողիկոսից Տ. Փոխարքայի կանոնների Բ. մասի իմաստին կամ ոգոյն համաձայն:

Թեմական խորհուրդը հաստատում է ծխական հոգաբարձուներին, ծխական դպրոցների տեսուչներին և կամ աւագ-ուսուցիչներին, քննում է և հաստատում է ծխական հոգաբարձուների և մանկավարժական խորհուրդների ներկայացրած տեղեկագրերը, հաշիւներն և ելեմտական նախահաշիւները, քննում և լուծում է դպրոցական մարմինների և պաշտօնեաների տարաձայնութիւնները ու բողոքները, ինչպէս և այս մարմինների և պաշտօնեաների դէմ՝ յարուցուած բողոքները, ամեն տարի կազմում է միամեայ ուսումնական և տնտեսական տեղեկագիր թեմի բոլոր դպրոցների համար և ներկայացնում Վեհափառ Կաթողիկոսին, ընտրում է Վեհափառ Կաթողիկոսի հաստատութեամբ մի կամ մի քանի թեմական տեսուչներ թեմի ծխական և վանական դպրոցներին վերահսկելու և պարբերաբար թեմական Խորհրդին զեկուցանելու համար:

Հարկ է առանց ուշացնելու փութալ թեմական տեսուչներ կարգելու օղջամիտ և ձեռնհաս անձե ից, հոգալով նրանց իբրև կրթական պաշտօնեաների տարեկան ուճիկը ծխական միջոցներից: Դպրոցական կառավարութիւնը թեմում գտնուող անոայթաք և հաստատուն օրինական եղանակով տանելու գործում անկախ ներկայ բացատրական հրահանգութիւնից դիմեցէք լրացուցիչ մեկնութիւններ և ցուցումներ ստանալու համար նորին Վե-

հաժառութեանը, և կը տրուին Ձեզ մեկնութիւններ և ցուցումներ կեդրոնական ուսումնական Խորհրդի կողմից, որը վերակազմուելու է ընդ անմիջական հսկողութեամբ Վեհափառ Կաթողիկոսի Ամենայն Հայոց:

Ի վերջոյ պէտք է գիտնալ, որ օրէնքների և կանոնների ճիշտ և անթերի գործադրութեամբ և հետևողականութեամբ են կենդանանում և բարգաւաճում հասարակաց հաստատութիւնները, որոնց ենթարկուած են և մեր դպրոցական հիմնարկութիւնները: Յատուկ ուշադրութիւն դարձնել, որ տեսուչները, ուսուցիչները և դաստիարակները պետական հպատակ, օրինասէր և խղճամիտ անձինք լինեն, ուսանողները քրիստոնէական ոգով և բարոյական դաստիարակութեամբ զարգանան և ուսմանն ու գիտութեան հետ հայերէն և ռուսերէն լեզուներն ու պատմութիւնն և այլն համահաւասար աստիճանով ուսանին (1874 թ. Կայսերահաստատ կանոնները):

Լիալոյս եմք, որ թեմական իշխանութեան գիտակցական գործունէութեամբ առաջիկայ ուսումնական տարուանից ուսումնարանական կեանքն ու գործունէութիւնն ընթանալու է աւելի բարեկարգ և արդիւնաւէտ ճանապարհով ի պայծառութիւն Հայաստանեայց Ս. եկեղեցու, ի յառաջագիւծութիւն ուսումնասէր մանկտւոյն Հայոց և ի բարգաւաճումն երկրին և հայրենեաց, ի մխիթարութիւն և ի գոհունակութիւն ազգիս Վեհափառ Հայրապետին:

Տեղակալ՝ Գեորգ Արքեպիսկոպոս

